



Tuhaqtitjutikhaq

Annie Neglak Tuniyauyuq uuminga Titiraqnikkut Aittuuhiakhamik

IQALUKTUUTTIAQ, NU (Niqiliqivik 27, 2012) – Minista Keith Peterson, uumunga pitjutigivlugu Hivuliqtii Eva Aariak, ublumi aittuqtaa Annie Neglak, Iqaluktuttiamit, uuminga 2012 (Council of the Federation) Katimayiuyut Timiuyunut Titiraqnikkut Aittuuhiakhamik Nunavunmut

“Quviahuitigiyumayara uumani ukiungani Nunavunmi tuniyauyuq ukunanga Council of the Federation-kunit Aittuatikhamik, Annie Neglak,” uqaqtuq Hivuliqtii Eva Aariak. “Utiffaaqtuq iliharvikmut ukiuqaqhuni qitkani 50-ni, Annie iniqtaa Inirnighat Ilihautjutinginnik titiraqmik naunaitkutiqaghuni uumingalu naunaitkutamik titiraqmik Inuuhiriknirmut talvani Nunavunmi Ilihariakpaavik, naunaikhivluni inirninguliralaqhuni ilihaqnikkut titiraqnirmut.”

Una 2012-mi Hivuliqtiiit Katimayiuyut Timiuyunut ukuninga Titiraqnikkut Aittuuhiakhamik nangariyait ihuaqtumik iniqtirhimayainik inirniqhanut ayuiqhaqtumut havakpiakpaktumut kangikhipkakhugu uqauhiriymamingnik ikayuqtauvlutiklu, pitquyauvlutik piqatigiikhutik allanut pitjutikanut hakugikhiyuumilugit uqauhirmingnik ayuiqhimayamingnik. Tamaita tuniyauyt hivulliqmik tuhaqtitjutigiyait talvani Katimayiuyut Timiuyunut katimangmata uumani [Taagnirmun Aullaqtirvia 24, 2012](#).

Una Katimayiuyut Timiuyunut Titiraqnikkut Aittuuhiakhamik aullaqtiglihaaqhimayuq aittuatikhanut uumani 2004-mi ukunanga Hivuliqtiiit Kanatami ilitariyumavlugit piyauyakhalluat titiraqnikkut pitjutaulluaqtumut pittaaqtamingnik Kantamiutanut iluayaamingni tamainnut hulilukaaklutik nunallaamiutat tamainni nuatqatigiigutikhanut. Tamait tuniyauyt pivagait naunaitkutit titirqat, sainiqhimayaa Hivuliqtiiup nunamingnit, unalu Katimayiuyut Timiuyunut Titiraqnikkut Aittuuhiakhamik medallion.

“Quviahuktunga ilitariyumavlugu ublumi hivuliqtuukmat titiraqnikkut. Annie uqaqpaktuq taimaa inmi ukiunikkami 50-ni kangikhiyuq kangikhijutaanik titiraqnikkut – taiguaqnikkut titiraqnikkullu kangikhivluni – taimaalu kangikhigami aallanguqtirtaa inuuhirminik. Atuqpagait ihuaqpiaktuq inungnut kanuklikaak ukiuqaqtunut,” uqaqtuq Minista Keith Peterson.

###

Inuuhiata Pitquhiit uuma Annie Neglak ilaliutihimayuq.

Tuhaqtitjutikhanut Uqaqvikhaq:

Emily Woods, Tuhagakhanut Titiraqt

Havakvia Hivuliqtuup

867-975-5059

ewoods@gov.nu.ca

www.premier.gov.nu.ca

À propos de ce document : Ce document est à disposition dans les langues Inuktitut, Anglais et Français sur le site Web www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Tuhaqttaghat ittut Inuktitut, Qablunaatitut, Inuinnaqtun Uivilititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.

Inuuhiata Pitquhiit

Annie Neglak – Nunavut

Annie Neglak nutarauvluni inuuvaktuq kingulliuyutut inuuvaktutut amihuni ukiuni – nunami anguniaqviinni Qingaukmi, uataani Nunavunmi. Qimakhugit ilani ahini ilihariakturhimayuq, ilishaqyaungittuq ihumagiyaugami “inirningukpallaaqtumik”. Taimaaluaq, havaktitauyuq iliharvikmi. Neglak piyumavaktuq ihuarhiyumavlugu una imminut ihuittumik pitjutauhimayumik, kihimi ikayurumavlugit inuqatigiigutiminik. Ukiunikhuni qaangikhugu 50-nik, uuktuliktuq titiraqnikkut. Neglak iniqtaa Inirniit Ilihautinginnik uuktuqhunilu Inuuhiirknirmut Havaktiuyunut Ilihautimut talvani Nunavunmi Ilihariakpaavik. Ilihaqhimmaakpaktuq ilihautinut Inirniit Ilihautinginnik ayuiqhaqhimmaakhuni iniqhivluni iliharvikuami ilihautinut naunaitkutanikhuni titirqamik. Neglak aliagivlugu kangikhipkaivaktuq titiraqnikkut. Inirniqhauvluni, inungnit tautuktauyuq tamainnut Inuinnauyunut ayuqhaqpaktunut aallannguqtirutinut, pihimmaaqpaktuq tunihivluni inungnut ayuiqhimayaminik.